### Zum Aufführungsrecht

- Das Recht zur Aufführung erteilt der teaterverlag elgg, CH-3123 Belp Tel. + 41 (0)31 819 42 09. Fax + 41 (0)31 819 89 21
   www.theaterverlage.ch / information@theaterverlage.ch
   Öffnungszeiten:
   Montag Freitag von 09.00 bis 11.30 Uhr & 13.30 bis 17.00 Uhr
- Der Bezug der nötigen Texthefte Anzahl Rollen plus 1 berechtigt nicht zur Aufführung.
- Es sind darüber hinaus angemessene Tantièmen zu bezahlen.
- Mit dem Verlag ist *vor den Aufführungen* ein Aufführungsvertrag abzuschliessen, der festhält, wo, wann, wie oft und zu welchen Bedingungen dieses Stück gespielt werden darf.
- Auch die Aufführung einzelner Teile aus diesem Textheft ist tantièmenpflichtig und bedarf einer Bewilligung durch den Verlag.
- Bei eventuellen Gastspielen mit diesem Stück, hat die *aufführende* Spielgruppe die Tantième zu bezahlen.
- Das Abschreiben oder Kopieren dieses Spieltextes auch auszugsweise ist nicht gestattet (dies gilt auch für Computerdateien).
- Übertragungen in andere Mundarten oder von der Schriftsprache in die Mundart sind nur mit der Erlaubnis von Verlag und Verfasser gestattet.
- Dieser Text ist nach dem Urheberrechtsgesetz vom 1. Juli 1993 geschützt. Widerhandlungen gegen die urheberrechtlichen Bestimmungen sind strafbar.
- Für Schulen gelten besondere Bestimmungen.

"Es gibt Leute, die ein Theaterstück als etwas "Gegebenes" hinnehmen, ohne zu bedenken, dass es erst in einem Hirn erdacht, von einer Hand geschrieben werden musste."

Rudolf Joho

### Bernd Gombold

# **Arger bim Chrone-Max** A GRIDD GRIDH IN BOILD

Schwank i drei Akte

Mundart vo de Annamarie Berger

6 Männer, 5 Frauen Besetzung

Bild Gaststätte

# «Jetz verstohn ich öberhaupt nüd meh!?»

Max Bläsi, als "Chrone-Max" dorfbekannter Wirt, samt seiner Wirtschaft seit dem Tod seiner Frau ziemlich heruntergekommen, und sein Freund Josef Schmid, Postbote, öffnen gemeinsam die Post an die Einwohner des Dorfes. Bei diesem wenig ehrenwerten Tun entdecken sie Schlampereien und Gaunereien des Gemeindeammanns und Honorationen. Sie machen sich diese "Insider" Kenntnisse zu Nutzen, um den Gemeindeammann und seinen Kreis an der Nase herum zu führen und des Kronenwirts Tochter ihrem Auserwählten, und Max' Wirtschaft sowie die historische "Zehntenscheuer" neuem Glanz zuzuführen. Vor diesem guten Ende passiert einiges, was den Spielern und Zuschauern viel Spass bereitet. Das Stück wurde vor dem Hintergrund des Dorflebens geschrieben, kann so in jeder ländlichen Gegend spielen.

«Wer hed üs de die Suppe iibrocket?»

### Personen

Max Bläsi Wirt vom Gasthaus Krone, Witwer,

legt auf sein Äusseres keinen Wert, ca

50 Jahre

Josef Schmid Postbote, mit allen Wassern gewa-

schen, Schlitzohr, bester Freund von

Max, Alter beliebig

Moni Bläsi Tochter von Max. Pfarrsekretärin,

hübsch, ca. 25 Jahre

(Magdalena), Schwester von Lena

rabiate Person, lässt sich nichts ge-

fallen, ca. 60 Jahre

heimlicher Freund von Moni, Ver-Harry Moser

sicherungsvertreter, angenehme Erscheinung, sympathisch, ca. 30 Jahre

Fred Häberli Gemeindeammann, hält

attraktiv, geht für Geld über Leichen.

falsch und hinterlistig, ca. 40 Jahr

"persönliche" Sekretärin von Fred, Erika Schatz

> pflegt mit ihm ein inniges Verhältnis, hübsch und gut gekleidet, Hauptbeschäftigung ist, sich mit ihrem kleinen Taschenspiegel zu bewundern, Haare zurechtzumachen, Lippenstift aufzutragen, zu pudern etc., folgt Fred

auf Schritt und Tritt, ca. 25 Jahre

Paul Enderli Grossbauer und Schweinezüchter. ledig, geldgierig, Gemeinderat, abstos-

sende Erscheinung, schmalziges Haar,

ca. 50 Jahre

Florian Gruber Feuerwehrkommandant, angehender

Gipsermeister, Gemeinderat, macht alles was der Gemeindeammann

verlangt, ca. 40 Jahre

Atzende, Vorsitzen

As und des Frauerve.

Aig, stolz und überzeugt

Awas altmodisch gekleidet, s.

Aschsüchtig, ca. 40 Jahre

Pfarreirätin, Vorsitzende der Turnerfrauen, Kirchenchorsängerin, zusammen mit Josi unschlagbar, scheinheilig, sehr altmodisch, ca. 50 Jahre

### Bühnenbild

### 1. Akt

Gaststätte mit zwei Türen (Mitte zum Ausgang, rechts zur Küche und Wohnung), Fenster ohne Vorhänge, rechts ein Büfett, zwei alte Tische und mehrere Holzstühle, keine Tischdecken, links in der Ecke mehrer Kisten Leergut, auf dem Büfett Bierflaschen, Telefon und eine kleine Holzschachtel als Kasse, sehr dürftige Ausstattung, keinerlei Wandbehang. Die Gaststätte macht einen sehr unordentlichen, ja chaotischen Eindruck.

### 2. und 3. Akt

Dieselbe Gaststätte wirkt nun sehr adrett und modern: Neue Tische und Stühle mit Tischdecken, Blumen und Aschenbechern, schöne Vorhänge am Fenster, links ein Wandregal mit Zinnkrügen und Zimmerpflanzen, rechts über dem Büfett ein Wandschrank mit Glasvitrine, in der verschiedene Gläser stehen, auf den Büfett eine Zapfanlage und eine Kasse, überall an der Wand Bilder, Wandteller, etc. Ideal wäre es, wenn die Kulissenelemente ausgetauscht werden könnten, damit der Eindruck entsteht, es sei tapeziert oder frisch gestrichen worden. Die Gaststätte macht nun einen sehr wohnlichen und gemütlichen Eindruck.

### 1. Akt

### 1. Szene

Schmid

von Mitte, umhängende Posttasche, Briefträgeruniform. Guete Morge, Max. Ich bi's, de Schmid, d Poscht isch do! Er wartet, räumt Flaschen weg, trinkt sie aus, ruft zur Tür rechts. Wo bliibsch Max? Los bring Wasser!

Max

unrasiert, Hemd halb offen, Hosenträger hängen herunter, bringt einen Topf mit heissem Wasser und stellt ihn auf den Tisch. Morge, Schmid! Ich ha de Wecker gar ned ghört! Mier müend pressiere, ich muess doch glii of d Gmeind wäge de Flächestillegig von miine sächs Hektare, ich muess no öppis froge.

Schmid

Jä, wotsch du dir das ned nomol öberlegge mit diim Hof? Meinsch, die Flächestilllegig seig s Bescht?

Max

Ich ha doch kei anderi Wahl! Sett miini Frau gstorbe isch und ich ellei bi, chan ich doch ned d Wirtschaft und d Landwirtschaft betriibe, und zodem luegt jo nüd meh use bii sächs Hektar. Und de Jöngscht bin ich au nömme. Miini Moni chond is Chloschter, det isch sie guet uufghobe, und es fählt ihre det a nüd! Die söll sich, ned wie ich för nüd und wieder nüd abrackere. Und falls du a üse Soumäschter dänksch, dem verchauf ich kei einzige Quadratmeter, dem Kapitalischt!

Schmid

Diini Tochter is Chloschter? Ich weiss ned so rächt, öb das guet isch. Ich glaube, s Chloschter isch de falsch Platz för sie.

Max

Lon das nome miini Sorg sii. Ich könne miini Tochter, of die isch Verlass. Jetz isch sie Pfarrsekretärin, bald isch sie Novizin im Chloschter und eines Tages sogar Äbtin.

Schmid

Du meinsch Äbtissin!

Max

De halt Äbtissin! Of jede Fall bin ich ganz stolz of das Meitli! No nie hed sie mir Sorge wäge Männergschichte gmacht, gohd immer i d Chile und isch vo Grund uuf aaständig!

Schmid

schmunzelt. So, so Max, wenn du meinsch! Aber jetz fönd mier aa! Holt aus seiner Tasche ein Bündel öffnen die Briefe Briefe, beide im

Wasserdampf.

Lueg emol, redt me vom Tüüfel, de chond er! Do isch e Max

Brief vom Enderli Paul, üsem Soumäschter! Jo, dä gid

mit siine 50 Johr immer no ned uuf!

Schmid Gid er scho wieder e Hürotsannonce uuf?

Und was för eini! Los emol zue: "Wohlhabender Max

> Grosslandwirt in den besten Jahren, gutaussehend, dynamisch und vital, sucht flotte Jungbäuerin zwecks Agrarfusion. Jungbäuerinnen mit mehr als vierzig Hektar bevorzugt! Bei Zuschrift bitte Bild vom

Mähdrescher beilegen!"

Schmid So ne gäldgierige Lump, dä cha ned gnueg öbercho!

Pass uuf, Max, dem legged mier es Ei. Dem schriibed mier, es heb eini aabisse. Lacht. Diini Moni muess das

grad sofort of em Pfarrsekretariat schriibe.

will vorsichtig und umständlich den nächsten Brief Max im Wasserdampf öffnen. Nome uufpasse, dass

niemmer öppis merkt.

Du Dubel, dä chasch doch uufriisse, dä isch a dich! Schmid

liest, springt auf, bekommt einen Schreck. Do bruuch Max

ich zerscht e Schnaps!

Schmie Was isch los, Max? Was hesch?

Max Do, lies sälber, Schmid! Miini älteri Schwöschter

chond för vierzäh Tag of Bsuech!

Schmid Jo und?

Max Du hesch Närve! Miini Schwöschter Lena, das

bedüütet wieder wäsche, abwäsche, uufruume, Ornig ha, rasiere, strähle, das ganze Wiiberzüügs äbe!

Schmid So schlimm wird's scho ned wärde! Max

Hesch du e Ahnig! Wenn miini Schwöschter irgendwo Staub, Dräck oder Unornig gsehd, chond s Monschter i ihre zom Vorschiin!

Schmid

sieht sich um und lacht schadenfroh. De hesch du jo öberhaupt nüd z beförchte. Hat den nächsten Brief geöffnet. Ohä, Max, e Brief a s Gmeindshuus vom Wirt zom Goldige Ochse. Er liest vor. "Herr Gemeindeammann Alfred Häberli persönlich. Lieber Fred, wie vereinart, die Rechnung vom letzten Monat:

- 2.7. Arbeitsessen mit Gemeindeammann und Sekretärin: 74 Franken.
- 4.7. Geschäftsbesprechung mit Mercedesvertreter und Gemeindeammann 88 Franken.
- 8.7. Nachbesprechung des Gemeinderates nach der Gemeinderatssitzung 156 Franken.
- 12.7. Kleine Dienstbesprechung mit Kindergartenleiterin 98 Franken.
- 15.7. Kleine Zusammenkunft zur Aufrechterhaltung des guten Betriebsklimas 295 Franken.
- 19.7. Dienstliches Kennenlernen mit neuer Lehrtochter usw. 71 Franken.

Gesamtbetrag: 1'436 Franke.

Mit der Bitte um schnelle Überweisung."

Das haut em Fass de Bode uus!

Max

Då vom Goldige Ochse verdient sich domm und dämlich. Es wonderet mich nome, dass de Häberli no ned im Goldige Ochse residiert und de Wirt d Vollmacht öber d Gmeindskasse hed.

Schmid

No e Brief a s Gmeindshuus vo de Dänkmalpfleg. *Liest vor.* "Sehr geehrter Herr Gemeindeammann Häberli, leider müssen wir Ihnen mitteilen, dass wir Ihren Zuschussantrag für den Umbau der Zehntenscheuer in Höhe von 600'000 Franken ablehnen müssen. Grund: Dass Sie den Zuschussantrag zu spät eingereicht haben. Mit Freundlichen Grüssen, Dr. Werner Fink,

Regierungsrat." Das isch jo e dicke Hond! Nome well de Häberli de Termin verschlofe hed, gid's keini 600.000 Franke. Öberlegg emol, Max, 600.000 Franken ha oder ned ha, sind noch Adam Riese 1.200.000 Franke.

Max

Jesses, Termin, ich ha au eine. Ich sött scho längscht of de Gmeind sii. Schaut auf die Uhr, zieht Hosenträger hoch, nimmt Jacke vom Stuhl, Mitte ab. Ade, Schmid, bis spöter!

Schmid

Arme Max! De Gemeindamme und de Gmeindrat schiebed em Ochsewirt s Gäld i Rache und de Max muess om s Öberläbe kämpfe! Wart nome, Häberli, dir will ich hälfe! Ruft zur Tür. Moni, chom emol! Öffnet noch einen Brief. Aha, e Brief vom Häberli ad Läbesmittelkontrolle. *Liest vor.* "Betrifft Gaststätte zur Krone. Sehr geehrte Herren. In der o.g. Gaststätte herrschen katastrophale Zustände. Die Hygienevorschriften werden derart missachtet, dass es für jeden Gast eine gesundheitliche Gefährung bedeutet, in dieser Gaststätte etwas zu verzehren. Schmid will von seinem Bier trinken, putzt zuerst missmutig den Flaschenhals ab. Nach meinem Dafürhalten sollte die Gaststätte geschlossen werden. Ich bitte Sie. entsprechende Schritte einzuleiten. Hochachtungsvoll, Brief komple Jacke. Häberli, Gemeindeammann." Das isch jo de Gipfel, dä Brief muess ich zrogg bhalte, die wend de armi Max komplett kaputt mache. Steckt den Brief in seine

# 2. Szene

von rechts mit schönem Sommerkleid. Guete Morge, Schmid, was gid's de so Pressants? Das Telefon läutet, Moni nimmt ab. Bläsi ... Freudig. Du bisch es! Hallo... jo natürli, d Loft isch rein, du chasch grad cho... Tschüss, bis nochhär, Schmotz.

Schmid

Guete Morge, Äbtissin, so, so, d Loft isch rein, wenn das dii Vatter wösst.

Moni

Solang du ihm nüd verzellsch, weiss das kei Mönsch! Du weisch doch, ich wott alles, nome ned is Chloschter. *Fasst sich an den Bauch*. Zodem bin ich im dritte Monet.

Schmid

Wenn das dii Vatter erfahrt, de bringt ne ned emol Chloschterfrau Melissegeischt of d Bei! *Nimmt sie in den Arm.* Aber ich verstoh dich scho, so es höbsches Meitli ghört verhürotet und ned is Chloschter. Und ich halte miis Muul. Aber deför muesch du mir e Gfalle mache!

Moni

Bruuchsch wieder e Talar vom Herr Pfarrer, dass du dich chasch als Uushilfspfarrer uusgä und im Nochberdorf d Biicht abnäh, oder?

Schmid

Nei, nei, du muesch mir öppis mit de Maschine schriibe. Chasch du Steno?

Moni

Ich ha's jo lang gnueg güebt. Sie holt Papier und Bleistift vom Büffet.

Schmid

Also. schriib: Er diktiert. An das Gemeindeammannamt, z.Hd. Herrn Gemeindeammann Häberli. Sehr geehrter Herr Gemeindeammann, ich freue mich. Ihnen mitteilen zu könnnen, dass wir Ihren Zuschussantrag für den Umbau der Zehntenscheuer in voller Höhe berücksichtigen können. Um mir von Thre Gemeinde besichtigen und bei dieser Gelegenheit meinen alten Fraund und B. Ihrem Vorhaben ein Bild machen zu können, werde ich meinen alten Freund und Bekannten Max Bläsi im Gasthaus Krone besuchen. Ich erwarte Sie und den Gemeinderat dort am 13. August um 14.00 Uhr. Mit vorzüglicher Hochachtung, Dr. Werner Fink. Regierungsrat.

Moni

De 13. Auguscht, das isch jo hött!

Schmid

Lesebion,

gibt ihr den echten Brief. So, Moni, jetz decksch du s Gschriebnige ab, machsch e Kopie, de hesch du e neue Briefchopf, und das ganze schriibsch du do druuf, machsch e riesigi, onläserlichi Unterschrift drunder und wirfsch es i Briefchaschte.

Moni Und was söll das Ganzi, wenn me darf froge, Schmid?

Schmid Das erklär ich dir spöter, du schwigsch of jede Fall

wie nes Grab! Dänk a die schwangeri Chloschterfrau!

Moni Isch jo guet, ich säge nüd.

Harry von Mitte, gutgekleidet, Anzug und Krawatte, sympatische Erscheinung. Moni, miin Schatz!

Moni Harry, ändtli! Sie fällt ihm an den Hals, sie umarmen und küssen sich.

Schmid Wie esch das gsi, mit de Enthaltsamkeit vo de Ordenslüüt?

Harry hat ihn bemerkt und scherzt. Wer nüd isch und wer nüd cha, gohd zo de Poscht und de Bahn. Lacht. Guete Morge, Schmid.

Schmid "...ist ihm dann noch nichts gelungen, reist er mit Versicherungen". Guete Tag, Herr Versicherigsverträtter. Beide lachen. Was machsch de du scho so früeh am Morge i üsere Gägend?

Harry

Du weisch doch, i miinere Branche chonsch ome wie s
Gäld. Zodem muess ich jedi frei Minute uusnütze, wo
de de Vatter vo de Moni ned deheime isch.

Schmid Jo, jo, chuum isch d Chatz us em Huus de tanzed d Muus! Hesch kei Angscht, dass Dich öpper vom Dorf gsehd?

Aber Schmid, es könnt doch keine de Harry. Er isch doch us de Stadt und isch emol do, emol det. *Schaut auf die Uhr und erschrickt*. Ou je, ich muess is Büro, ich chome söscht z spot. Ich chome erscht hött Obig wieder. Ich schaffe hött am Mittag dore. Tschüss, ihr beide! *Gibt Harry einen Kuss*.

Schmid Und ich? Vergiss de Brief ned, Moni! Halt, chom nomol, ich ha öppis vergässe.

Moni Was isch de no, ich bi pressant!

Schmid

Du muesch au no em Soumäschter e Brief schriibe. aber von Hand, e ganz heisse! Schriib ihm, dass du ihn hött am eis am Mittag i de Chone wottsch könnelerne. Als Erkennigszeiche söll er e Ziitig läse.

Moni

Ich de Paul könnenlerne? Spinnsch du?

Schmid

Ha, nei, du doch ned! Unterschriibe mit "In Liebe und Freude auf ein baldiges Kennenlernen, Magdalena". Und de rüersch de Brief bim Paul ii!

Moni

Jetz muess ich aber ändli is Büro! Tschüss, Harry. Mitte ab.

Harry

Bis bald miin Schatz! Schmid, was machsch du de wieder mit diine Briefe?

Schmid

Hock ab, das isch e langi Gschicht! Also, die ganzi Bandi, allne vora de Gemeindamme, wend diim Möchtegärn-Schwiegervatter de Garuus mache. Sie wend em Max d Wirtschaft zue mache. Und de alt Paul Enderli, de Soumäschter, wott de Hof chaufe, för wenig Gäld verstohd sich. Drom wott ich dene eis uuswösche!

Harry

Jo, wie wotsch du das mache, chan ich dir hälfe?

Schmid

plötzlich kommt ihm eine Idee. Klar chasch du mir hälfe. Pass emol uuf, mir hend doch im Dorf e alti Zähnteschüür. Die ghört zor Hälfti de politische Gmeind, die anderi Hälfti ghört de Chilegmeind. Euse Gmeindrat wott es Füürwehrmagazin druus mache, de Lesephone, Chilerat wott sie aber zo enere Art kulturelle Begägnigsstätt omfonktioniere. De Zueschuss isch aber abglehnt worde, wel de Gemeindamme de Aatrag z spot iigreicht hed. D Moni schriibt jetz e neue Brief, dass e Regierigsrat ihn wott bsueche, dä wo au de beschti Frönd vom Max isch. Bii dere Glägeheit wott er d Zähnteschüür aaluge. Was meinsch, wie die renned!

Harry

Ou, das isch guet. Das isch wörkli guet. Aber was söll ich mache?

Schmid

Dich könnt doch im Dorf keine, drom chönntisch du de Regierigsrat spiele. Mier füehred die ganzi Bandi a de Nase ome. Was meinsch, wie de Gmeindamme rennt, wenn er erfahrt, dass de vermeintlichi Regierigsrat de Max könnt!

Harry

Aber de Max, was seid de dä zo all dem? Dä könnt mich doch öberhaupt ned, dä hed mich doch no nie gseh!

Schmid

Umso besser, de lernsch du ne könne und hilfsch ihm, dere Bandi eis iine z brämse. Das gid Pluspünkt. Aber säg jo nüd, zo niemmerem, au ned zo de Moni. Chom mit, ich erklär dir alles genau, de gohn ich i d Bäckerei abe und verzelle det vom Max siim beschte Frönd. Wenn das d Chundinne erfahred, wird's schneller verbreitet, als dor d Ziitig. Chom mit Harry, das wird genial! *Beide Mitte ab*.

### 3. Szene

Paul

von Mittte. Isch öpper do? He, Max, wo bisch? Sieht sich um. Hed dä e Souerei do! Öffnet hinter dem Büffet eine kleine Holzschachtel. Gäld isch au ned vill i de Kasse. Keis Wonder, i so nere Beiz cha jo nüd laufe!

Max

*sehr erbost.* Was hesch du hinder miim Büffet verlore? Suechsch villecht es paar vo diine Söi?

Paul

*kommt schnell wieder vor, verlegen.* Ah, du bisch es, Max. Ich ha di gar ned ghört cho.

Max

Was wotsch?

Paul

Ich muess mit dir wäge diim Fäld rede. För dich wär's besser, wenn du mit diinere Landwirtschaft uufhörsch. De chönntisch du dich meh om diini Wirtschaft kömmere. Villecht wörd sie de besser laufe. Wotsch mir ned diini Fälder verchaufe?

Max

Miini Fälder dir verchaufe? Jo, was glaubsch de du öberhaupt, hä? Om miini Wirtschft bruuch ich mich ned no meh z kömmere, die lauft mir guet gnueg! Meinsch du, ich verchaufe dir au nome ei Are, nome wel du de riichschti Puur im Dorf bisch? Ned emol e Quadratmeter geb ich dir!

Paul

jetz muess ich grad e chlii lache! Diini Wirtschaft lauft guet! Do chäm jo ned emol eini vo miine sächshundert Soi iine, wel's do z dräckig isch! Bii dir trout me jo ned emol of ne Stuehl abzsitze, wel me Angscht muess ha, dass de Dräck a de Hose nömme abgohd. Miis letschte Angebot: Zwee Franke för de Quadratmeter.

Max

Und wenn du zäh Franke wördsch zahle, ned emol e Zentimeter chonsch öber vo mir. Vorhär gib ich alles em Chloschter, om Gotteslohn Und jetz verschwind, use!

Paul Max

Das wird dir no leid tue, Max, das garantier ich dir! Ab. setzt sich an den Tisch, stützt Kopf auf. Was söll ich au nome mache? Eso wiiterzmache hed kei Wärt. Ich muess doch no irgenwenn a dä Soumäschter verchaufe.

# 4. Szene

Fred

von Mitte mit Anzug und Krawatte, steht breitbeinig da, Hände i die Hüften gestützt. So Max, hallo, wie gohd's immer?

Wohrschiinli ned so guet wie dir, Gmeindamme, aber ich bi trotzdem zfriede. Ich ha dich do scho lang nömme gseh.

Max Proving

Du weisch jo, Max, e Gmeindamme wie ich, wo ganz im Dienscht vom Börger stohd, hed kei Ziit iizchehre. Die letzschte beide Johr han ich d Wirtschafte nome no vo osse gseh!

Max

Miini Wirtschaft villecht, aber im Goldige Ochse bisch wohrschiinli so mängisch wie im Gmeindhuus.

Fred räuspert sich verlegen. So ei oder zwöimol im

Halbjohr bin ich scho det, aber reded mier vo öppis anderem. Weisch du eigentli, dass du hött Bsuech

öberchonsch?

Schmid ist inzwischen von Mitte gekommen, sagt schnell.

Aber sicher, siini Schwöschter chond of Bsuech.

Fred Ah, du bisch es, Schmid! Nei, nei, Max, ich meine dii

Frönd, de Dr. Fink.

Max Was för ne Dr. Fink, dä könn ich ned!

Fred Ha, de Werner vom Dänkmalschutz.

Max will gerade wieder etwas sagen, erhält aber von Schmid einen Stoss mit dem Ellbogen. Ach so, de

Werner vom Dänkmalschutz, jo, jo!

Erika von Mitte, gut angezogen, hat Stenoblock und

Bleistift bei sich, macht sich immer wieder mit ihrem Taschenspiegel zurecht, fährt sich durch das Haar, trägt Lippenstift auf, ist in Fred sichtlich verliebt, himmelt ihn ständig an. Also Herr Häberli, ich bin fertig, Herr Häberli. Ich ha Ihres Auto jetz gwäsche,

Herr Häberli.

Fred Sehr guet Schatzi... äh... Frau Schatz. Klopft ihr auf

den Rücken.

Schmid Wer isch de das?

Fred Das isch d Frau Schatz, eini vo miine Sekretärinne.

Max Wie mängi schaffet de bii dir im Gmeindhuus?

Schmid wirft sich dazwischen. Ou Max, ned emol ganz d

Hälfti.

Fred Also nomol zo dem Werner... äh... zom Dr. Fink, dä

chond doch hött Mittag zo dir, Max!

Max Zo mir, was wott dä do? Schmid tritt ihm auf den

Fuss, Max unsicher. Jo, jo natürli, dä chond hött

Mittag.

Fred Weisch Max, es gohd do om e politisch hochbrisanti

Aaglägeheit, om Gäld. Könnsch du de Werner Fink

guet, cha me mit dem rede?

Schmid Aber sicher, osser mir isch er de beschti Frönd vom

Max, dä liest em Max jede Wonsch vo de Auge ab,

stimmt's Max!

Max verständnislos. Jo, jo, wenn du meinsch!? Nickt

schliesslich zustimmend.

Fred Uusgezeichnet! Max hött Mittag chond de Gmeindrat

zo dir zo nere Dienschtbesprächig.

Max ungläubig. Zo mir, i miini Wirtschaft, do iine?

Fred klopft ihm freundschaftlich auf die Schulter. Aber Max, das isch doch sälbverständli, du hesch jo

schliessli die bescht Wirtschaft im Dorf, isch es ned so,

Schatzi... äh... Frau Schatz, oder?

Erika Doch, Herr Gemeindamme, wenn Sie meined?

Schmid So, so, of einisch die beschti Wirtschaft im Dorf! Und

was isch mit dem Brief a d Läbesmittelkontrolle wäge

de Zueständ im Gaschthuus Chrone, Herr Häberli?

Fred Was för ne Brief... ach dä Brief. Verlegen. Ääh... Schatzi, hesch du äh... Frau Schatz, hend Sie de Brief

Schatzi, hesch du ah... Frau Schatz, hend Sie de Brief

iigworfe?

Erika Jawohl, Herr Gemeindamme, hött am Morge i aller

Früechi, so wie Sie gseid hend, Herr Gemeindamme.

Fred schreit sie an. Blödi Chueh! Zu den anderen. Kei Sorg, das bringed mier scho wieder in Ornig. Geht zum

Telefon.

Erika beginnt zu weinen. Herr Gmeindamme!

Bis jetz ruhig, ich telefoniere! Will Hörer von der Gabel nehmen, ekelt sich aber vor dem Schmutz, nimmt den Hörer deshalb vorsichtig mit seinem Taschentuch und hält ihn in ausreichender Entfernung von Mund und Ohr, er wählt und spricht

dann überfreundlich. Guete Tag, do isch de Gemeindamme Häberli. Verbinded Sie mich bitte mit

de Läbesmittelkontrolle. Guete Tag, do isch Häberli vo Suurebach. Vo üsere Gmeind isch e Brief aa Sie onderwägs beträffend unhygienischi Zueständ im Gaschthuus Chrone. Also, Sie müend entschuldige, aber do isch miim Schatzi... äh... miinere Sekretärin e Fähler onderlaufe, e Verwächslig sozsäge. Sie wössed jo, was me ned sälber macht, isch nüd und alles cha me jo schliessli ned sälber erledige... jo, jo, genau, onfähigs Personal...

Erika

beginnt noch stärker zu weinen. Aber Fred... das stimmt doch gar ned...

Fred

hält kurz den Hörer zu und brüllt sie an. Wenn du jetz ned s Muul zuehesch, de stopf ich's dir! Wieder überfreundlich. Of jede Fall, die Zueständ, wo im Brief beschriebe sind, herrsched im Gaschthuus Goldige Ochse. Do i de Chrone isch alles in beschter Ornig, ich ha mi sälber devo überzügt... Aber sicher, do i de Chrone chönnted Sie vom Fuessbode ässe und uus em Spüelbecki trinke, alles beschtens. Ville Dank und nüd för Unguet wägem Goldige Ochse, üsem Sorgechind... Uf Wiederhöre! Max begreift nichts und steht mit offenem Mund da.

Schmid

*reibt sich zufrieden die Hände*. So gfallsch mir scho besser, Gemeindamme!

Fred

*legt den Arm um Erika.* Aber Schatzi, so isch das doch ned gmeint gsi!

Erika

schnupft noch etwas. Ehrli ned, Herr Gemeindamme?

Fred

Du könnsch mi doch, Schatzi! *Erika trägt neuen Lippenstift auf.* Max, sö chönd mier of kei Fall de Dr. Fink empfoo, do muess noch einiges veränderet wärde! *Er sieht sich um.* Schatzi, schriib uuf... äh... schriibed Sie uuf: Maler, Ruumuusstatter, Vorhäng, Möbel, Bilder, Blueme, Gläser...

Erika

hat sich wieder gefangen und wieder zurecht gemacht. Jawohl, Herr Gemeindamme.

völlig fassungslos. Jetz verstohn ich öberhaupt nüd Max

meh!?

Schmid Chasch die beruhige, Max, das lauft alles vollkomme

richtig.

So, Schatzi... Frau Schatz, gib dä Zettel häre, ich Fred gohne und du bliibsch do zom Putze und Uufruume.

Nimmt den Zettel und geht durch die Mitte ab.

Herr Gemeindamme, wenn du das wotsch, de mach ich Erika

das gärn. Also, wo sind de Bäse und d Schuufle?

Ich glaube, mich streift e Omnibus! Johr und Tag trinkt Max

dä ned emol es Bier bii mir, und jetz bringt er mir sogar eini, wo putzt!

Los, Max, hol de Bäse und s Putzzüüg, bevor die's sich Schmid andersch öberleid! Max gehorcht, rechts ab. De chönd

Sie jo au no abwäsche und d Chochi putze!

schaut ihn von der Seite an, trägt wieder Lippenstift Erika

auf. Vo dem hed de Herr Gemeindamme nüd gseid!

wieder von rechts. So, do, de Bäse! D Putzbörschte Max

muess no irgendwo im Chleiderschrank sii, die muess

ich zerscht sueche! Wieder rechts ab.

Und ich muess no d Poscht verträge, fröhlichs Putze, Schmid

Frau Schatz. Lacht. Mitte ab.

Erika sieht sich um, schaltet Radio oder Kassettenrekorder hinter dem Büffet ein, es läuft "I wanna be loved by Lese Provi

you", sie tanzt und schwingt die Hüften, zieht den Besen hinter sich her, man sieht ihr an, dass sie noch nie richtig geputzt hat, sie singt. ... loved by you, just

you, nobody else but you... pu pu bi du...

### 5. Szene

Lena mit Mantel, langem, altem Rock, Hut, zwei Koffer, erschrickt beim Anblick von Erika, schaltet Musik ab. Jo, was machsch de du jonge Höpfer do inne?

Erika Das gsehnd Sie doch, putze! Sie schaltet Musik wieder an.

Lena schaltet Musik wieder ab. Jo, spinnt de mii Brüeder, dä alti Trottel! Hed dä glatt öppis mit so emene uusgschämte Stadttunti! Und Farb hed die im Gsicht, wenn me dere eis hinde druuf gid, fallt vorne de Putz ab!

Erika empört. Sie abtakleti Alti, was fallt Ihne öberhaupt ii?

Lena Was seisch du, du Beeri, du grüens! Wart nome, dir wird ich Respäkt vor em Alter biibringe!

Erika Wenn Sie zom Seniorenomittag wend, dä isch im

Goldige Ochse!

Lena Jetz längts aber, use mit dir! Zerrt sie an den Haaren hinaus, nimmt ihr den Besen ab. De Bäse bliibt aber do! Das isch e Begrüessig hött Morge! Do chom ich nach zäh Johr s erschte Mal wieder ii miis Elterehuus – und de so öppis!

Max von rechts mit Putzbürste und Eimer, sieht Lena mit Besen und erschrickt. Um Gottes Wille, ich ha gar ned gwösst, dass me vom Putze so schnell alt wird, Frau Schatz!

Lena nimmt Hut ab. Jä könnsch du mich nömme, Max?

Max Jesses, das bisch jo du, Lena!

Lena umarmt ihn, klopft ihm kräftig auf den Rücken, hebt ihn hoch. Max, mii chlii Max!

Max lässt sich schütteln. Das hed mir grad no gfählt zo allem Unglück.

Ou du miini Güeti, hesch du e Souerei do inne, do muess ich grad aafo putze. Aber zerscht muess ich uuspacke!

Max erleichtert. Jo, jo, Lena, gang nome ufe i diis Zimmer und mach's dir gmüetli!

Lena

Oh, heilige St. Blasius, Schutzpatron vo allne Bettnässer, isch das e aasträngendi Fahrt gsi. *Fasst sich ins Kreuz, mit Koffer rechts ab.* 

# 6. Szene

Annelies

altmodisch gekleidet, stürmt herein. Stimmt das, Max?

Josi

*ebenso gekleidet.* Bim Herr Pfarrer und allne andere Heilige, Max, isch das wohr?

Max

*völlig überrascht, verständnislos.* Was söll oms Gotts Wille scho wieder wohr sii?

Josi

I de Bäckerei wird verzellt, dass du e Minischter könnsch...

Annelies

... und dass dä zo dir chond und dich bsuecht...

Josi

...und dass dä es paar Millione för üs alli bringt?

Max

der Verzweiflung nahe. Wer chond wohi und bringt was för wen?

Fred

von Mitte mit Erika, stellt sich breitbeinig vor Josi. Sie irred sich gwaltig, Frau Chilepflegvorsitzendi! Es chond kei Minischter, sondern e Regierigsrat vom Denkmalschutz, und dä bringt zwor kei Millione för üs alli, aber immerhi 600°000 Franke. Lässt sich diesen Betrag überbetont auf der Zunge zergehen. Und das einzig und ellei för s neue Füürwehrmagazin, isch es ned so, Schatzi...äh... Frau Schatz, oder?

Erika

lächelt ihn an. Jawohl, Herr Gemeindamme.

Josi

aufbrausend und erbost, nähert sich dem Gemeindeammann drohend. Soso, Herr Gemeindamme! Sie hend die Rächnig ohni de Wirt gmacht! Sie wössed so guet wie ich, dass d Zähnteschüür siit mene Dekret uus em Johr 1847 zo föfzg Prozänt der Chilegmeind ghört, und drom han ich

ellei und niemmer söscht mindeschtens genausovill z säge wie Sie! Ihne wird's no trömmlig wärde.

Annelies Jawohl, Josi, mach ne fertig!

Josi Sie könned mii Standpunkt: I d Zähnteschüür chömmed Gropperüüm för d Landjugend, de Chilechor und för de

Fraueverein, öb Ihne das passt oder ned.

Max will dazwischen. Jo spinned ihr all zäme? Wössed ihr

öberhaupt...

Annelies schnauzt ihn an. Halt di do druus, Max, das gohd dich

öberhaupt nüd aa! Drückt ihn auf einen Stuhl.

Schmid ist schon vor einiger Zeit eingetreten, geht jetzt zu

Max und beruhigt in. Max, lon's lo sii!

Fred Us de Zähnteschüür wird es Füürwehrmagazin gmacht

und söscht gar nüd, isch das klar?

Erika Ganz genau, Herr Gmeindamme. Zu Josi. Und Sie

schreied gfälligscht mii Herr Gemeindamme ned so aa,

Sie komischi Heiligefigur!

Josi Mit dir redt jo sowieso öberhaupt kei Mönsch, du

pubertäre Grüenschnabel, also halt gfälligscht diis

Muul!

Erika Ou, Fredy, muess ich mir das lo gfalle? So e alti

arroganti Zwätschge!

Josi So öppis Unverschämts, du, du, du Maitressse, du! Pfui

pfui, pfui. Spukt Erika vor die Füsse.

Annelies Du aagmalete, uufdonnerete Vogel, vor hüüfhundert

Johr hättsch du bii de Häxeverbrönnig d Hauptrolle

gspielt.

springt auf, haut energisch auf den Tisch. Jetz längt's mir aber, jetz chond die Bandi scho sett Johre wieder

emol zo mir, und de fod me aa z striite wie

Halbwöchsigi!

Schmid De Max hed vollkomme rächt. Wenn ihr alli nome es

bitzeli öppis im Chopf hättet, de hätted ihr euch scho längscht geiniget und i de Zähnteschüür s Füürwehrmagazin bouet und i de obere Stöck d Grupperüüm för d Chilegmeind. *Alle schauen sich* verdutzt an.

Fred Das wär eventuell e Lösigsaasatz, won ich vo de

politische Gmeind onder Vorbehalt chönnt zuestimme,

oder, Schatzi?

Erika Wenn du meinsch, Fredy, äh... Herr Gemeindamme.

Josi Tja, wenn s Bougschäft vo miim Maa de Uuftrag för d Muurerarbete öberchond, chönnt i dem Chilerat au

zuestimme, oder, Annelies?

Fred Also sind mier üs einig, Frau Chileratsvorsitzendi?

Josi Vo mir uus, Herr Gemeindamme! Sie schütteln sich

die Hände.

### 7. Szene

Fred Jetz aber a d Arbet! So chönned mier de Fink ned empfoo. Die Wirtschaft muess of Vorderma brocht

wärde! Wo sind de die beide andere scho wieder, de

Florian und de Paul? Sieht zur Tür hinaus.

Josi Lueg dir emol de Max aa, Annelies, so cha dä siim Frönd, ned onder d Auge cho. Mier bruuched suuberi Chleider, Rasierzüüg und e Strähl! Los, Annelies,

suech öppis!

Annelies rechts ab. Ich finde scho öppis!

Fred Los Schatzi, hol... holed Sie... äch was söll das, los,

hol die Sache us em Auto.

Erika freudig. Bi grad wieder do, Fredy!

*Max hilflos.* Schmid, verstohsch du das alles? Säg mir bitte,

was das söll!

Schmid Lo nome, Max, das hed siini Richtigkeit, besser chönnt's gar ned laufe! Betrachtet das Folgende sichtlich vergnügt. Ab jetz muss alles sehr schnell

und hektisch vor sich gehen.

Josi Gmeindamme, Töre uuf! Sie räumt Leergut weg.

Fred öffnet die Tür in der Mitte. Ändli chömed ihr!

Florian von Mitte, normal gekleidet mit Anzug, schleppt

Wandregal. So, Fred, s Regal isch do!

Paul hinterher mit Tapezierertisch, Tapetenrollen und

Werkzeugkiste.. Wohi mit de Züüg, Fred?

Fred Tue ned blöder, als du bisch, irgendwo dohee!

Erika von Mitte mit riesigen Pappkartons. Fredylein, ich ha

alles kauft, was du gseid hesch!

Fred Was söll ich gseid ha?

Erika Dass mier s Huus neu sölled striiche. Nome mit welere

Farb?

Fred Weli Farb? He, Max, i welere Partei isch dii Frönd

Werner?

Schmid antwortet schnell. I de FDP!

Fred Also, Schatzi, e gälbliche Farbton. Alli Manne a d

Arbet!

Josi, Paul, Florian, Erika und Fred tragen Stühle und Tische hinaus, räumen die grossen Schachteln

aus.

Max steht mit weit aufgerissenen Augen und offenem

Mund fassungslos da. Schmid, ich glaube, ich bi

nömme normal im Chopf!

Schmid lacht. Doch, doch Max, die einzige, wo do no normal

sind, sind mier!

Annelies von rechts, Anzug unter dem Arm, Rasierpinsel mit

Schaum in der Hand. Ich ha alles, also los ihr Fraue,

hälfed mir!

Josi zieht einen Stuhl in die Mitte der Bühne, setzt Max

darauf, entkleidet mit Annelies seinen Oberkörper. So Max, abe mit dem Plunder! Mier sind jo schliessli ned

zom Spass do!

Erika Und jetz chond e ganz sanfti Rasur, das han ich bii

miim Fredy glernt. Sie pinselt ihn mit Rasierschaum

ein, betrachtet sich währenddessen wieder einmal im Spiegel und seift Max das ganze Gesicht ein.

Fred

stellt sich neben Max, klopft ihm auf die Schulter. Max, du wirsch dich und diini Chrone nömme wieder erkönne. Herr Regierigsrat, bald sind mier sowiit, Sie Leseprobe by The Teaternerlag English of The Teaternerlag English by The Teaternerlag chönd cho! Lacht.

# Als Leseprobe steht jeweils nur der halbe Text zur Verfügung.

Wenn Sie den vollständigen Text lesen wollen, bestellen Sie diesen zur Ansicht direkt bei uns.

### Freundliche Grüsse



teaterverlag elgg in Belp GmbH im Bahnhof 3123 Belp

Tel.: 031 819 42 09 Fax: 031 819 89 21

E-Mail: information@theaterverlage.ch

Web: www.theaterverlage.ch